

HUQUQ

18

(384)

YURIDIK GAZETA

May

D.	30	2	9	16	23
S.	31	3	10	17	24
Ch.	4	✓	11	18	25
P.	5	12	19	26	
J.	6	13	20	27	
Sh.	7	14	21	28	
Y.	1	8	15	22	29

2005

Gazeta 1997-yil 27-avgustdan chiqa boshlagan.

WWW.HUQUQ.UZ. E-mail: info@huquq.uz

RESPUBLIKA BOSH PROKURATURASIDA



ИТАЛИЯ МИЛЛИЙ ПРОКУРОРИНИНГ ТАШРИФИ

2 май куни Ўзбекистонга расмий ташриф билан Италия Республикасининг миллий прокурори — мафияга қарши курашиш бўйича миллий бюроси раҳбари Пьеро Луизи Винья ҳамда унинг ўринбосари Луизи де Фикки келдилар.

2005 йилнинг 3 май куни Пьеро Луизи Винья ва Луизи де Фиккини Ўзбекистон Бosh прокурори Рашидjon Қодиров қабул қилди.

Сўхбат давомида ўзаро манфаатларга оид муҳим масалалар бўйича фикр алмашилди. Бунда, ҳар икки томон таъкидлаганидек, уюшган жиноятчилик, жумладан, унинг ўта хавфли кўриниши ҳисобланган терроризм, экстремизм, наркотик воситаларнинг ноқонуний муомаласи ва одам савдоси мамлакатлараро характерга эгадир. Бу эса халқаро жиноятчиликнинг мазкур турларига қарши курашда бутун жаҳон кучларини бирлаштириш заруриятини келтириб чиқармоқда. Кенг доирадаги фаолият бўйича самарали ҳамкорликни амалга ошириш мақсадида қилмиш учун жазонинг муқаррарлигини изчил таъминлаш, жиноят ишлари юзасидан, хусусан, жиноят содир этган шахсларни ушлаб бериш борасида икки томонлама ҳуқуқий ёрдам кўрсатилиши зарур.

Жиноят ишлари бўйича сўровномаларни самарали ва ўз вақтида бажариш, шунингдек, кадрларнинг иш тажрибасини такомиллаштириш мақсадида икки мамлакат ҳамкаблари ўртасида идоралараро

ҳамкорликни кенгайтириш ва бевосита алкоқаларни ривожлантириш муҳим аҳамият касб этади.

Шу муносабат билан Ўзбекистон Республикаси Бosh прокуратураси ва Италиянинг мафияга қарши курашиш бўйича миллий бюроси ўртасида уюшган жиноятчиликка ҳамда жиний фаолиятдан олинган даромадларни легаллаштиришга қарши курашишда ҳамкорлик тўғрисида меморандум имзоланди.

Шуни таъкидлаш жоизки, Ўзбекистон Бosh прокуратураси Марказий Осиё минтақасида биринчи бўлиб Италия билан бундай меморандумни имзолади. Мазкур давлат илгари бу каби идоралараро меморандумларни Россия, Украина ва Молдова билан имзолаган.

Учрашув дўстона муҳитда ўтди, унинг якунида икки мамлакат ўртасидаги ҳуқуқий ҳамкорлик аҳолидан қониқиш ва келгусида уни янада ривожлантириш тўғрисида фикрлар билдирилди.

Шу куни Италиядан келган меҳмонлар Ўзбекистон Адлия вазири Бўритош Муштафоев ва Ички ишлар вазирининг ўринбосари Ражаб Қодиров томонидан қабул қилинди.

Ўзбекистон Республикаси Бosh прокуратураси матбуот хизмати

Суратда: Учрашудан лавҳалар.

А.Тўраев олган суратлар.

Республика Бosh прокуратураси матбуот маркази хабар қилади

2005 йил 27 апрел куни Навоий вилояти, Навбахор туманида яшовчи Нодира Жўраева ҳуқуқни муҳофаза қилувчи органларга ариза билан мурожаат қилди. Аризачи Навбахор туман ҳокимининг биринчи ўринбосари Юнус Жўраев Й.Охунбоев ширкат ҳўжалиги ҳудудидан, тендер асосида берилган 1 гектар тўтзорни ажратиб бериш эвазига 200 минг сўм пул беришини талаб қилаётганлигини билдирган. Мазкур ҳолат бўйича ўтказилган махсус тадбир довомида Ю. Жўраев ўз хизмат хонасида Н. Жўраевдан 100 минг сўм пулни пора тариқасида олган вақтида ушланган.

Акмал Икромов туман ДСИ ходими Р. Ходжихонов «Карвон бозор»да тадбиркорлик билан шўгулландуви Х. Муҳитдинова тўлали лўзим бўлган ойлик суммаларни ҳар ойда тўланди, деб қалбакилаштириб келган. Текшириш давомида Х. Муҳитдинова тўлаб келган 1.453.680 сўм ДСИ ходими Р. Ходжихонов томонидан давлатга топширилмай ўзлаштириб юборилган. Мазкур ҳолат юзасидан жиноят иши кўзга тилди.

«Ўзбекнефтгаз» миллий холдинг компанияси мансабдорлари, Россиянинг «Итера» компанияси билан тўзилган шартнома асосида, Туркманистон табиий газини транзит этказиб беришда хизмат ҳақини эски коэффицентлар асосида ҳисоблаб келганлар.

Бунинг натижасида республикамизнинг иқтисодий манфаатларига 89 млн. АҚШ доллари миқдорда зарар этказилган. Қонунбузарликлар бўйича бир неча жиноят ишлари кўзга тилган.

DOLZARB MAVZU

Бугун вояга етмаганлар билан боғлиқ қандай муаммолар мавжуд ва уларни ҳал этиш борасида нима-лар қилинапти? Ўсмирлар жиноятчилиги ва ҳуқуқбузарликларнинг олдини олиш, қаровсиз қолган болаларнинг ижтимоий муҳофазаси борасида яна қандай ишлар қилиниши керак? Умуман, келажатимиз бўлган ўсмирларга берилаётган эътибор талаб даражасидами?

28 апрел куни Тошкент шаҳар прокуратурасида Вазирлар Маҳкамаси ҳузуридаги вояга етмаганлар ишлари бўйича комиссия ва Республика Бosh прокуратураси UNISEF (БМТнинг болалар ташкилоти) билан биргаликда «Вояга етмаганлар: қаровсизлик ва ҳуқуқбузарликларнинг олдини олишдаги долзарб муаммолар» мавзусида конференция ўтказди. Унда юқоридаги каби саволлар юзасидан фикрлашиб олинди.

Конференцияни кириш сўзи билан очар экан, Тошкент шаҳар прокурори Б. Валиев шундай деди:

— Аҳолининг 44 фоизини вояга етмаганлар ташкил этаётганининг ўзи ҳам мамлакатимизда ўсмирлар қаровсизлиги ва ҳуқуқбузарлигининг олдини олиш муаммолари қанчалик долзарб эканлигини кўрсатади. Шу боис вояга етмаганлар билан боғлиқ муаммоларни ҳал этиш давлат миқёсидаги вазифалар даражасига кўтарилган. Ҳуқуқимизнинг томонидан ҳокимликлар ҳузурида-



Эътибордаги ўсмир

ҲЕЧ ҚАЧОН ЖИНОЯТ КЎЧАСИГА КИРМАЙДИ

ги вояга етмаганлар ишлари бўйича комиссиялар фаолиятини такомиллаштириш бўйича махсус қорал кабул қилиниши бу йўналишдаги фаолиятда кескин бурилиш ясади. Айниқса, Вазирлар Маҳкамасининг қарори билан Тошкент шаҳрида вояга етмаганларга ижтимоий-ҳуқуқий ёрдам кўрсатиш маркази очилгани ишимизда силжишларга олиб келди. Утган йилларда бу борада қўлаб ишлар қилинди. Ҳозир мамлакатимизда аҳолининг ижтимоий ҳўмияга муҳтож қатламларини қўллаб-қувватлаш тадбирларининг кўлами кенгайиб, болалар қаровсизлиги ва назоратсизлигининг олдини олиш

мақсадида меҳрибонлик уйлари, махсус мактаб-интернатларнинг фаолияти яхшиланишига эришилди. Мазкур тоифадаги ўсмирлар ора-сида ҳуқуқбузарликка мурасасизлик муҳитини яратиш борасида прокуратура, ички ишлар, таълим, соғлиқни сақлаш идоралари ва ўзини ўзи бошқариш органлари ўртасидаги ҳамкорлик яхшиланмоқда. Натижада мамлакат бўйича вояга етмаганлар жиноятчилигининг камайишига эришилган.

Қаровсиз қолган болалар ва ўсмирларни ижтимоий муҳофаза қилиш муаммолари бўйича жамоат ташкилотлари, айниқса «Сен ёлғиз

эмассан» болалар жамғармаси фаол иш олиб бормоқда. Бу соҳадаги масъул идоралар ўртасида ҳамкорликнинг яхшиланиб бориши ҳам вояга етмаганлар ҳуқуқларини муҳофаза қилишнинг самарадорлигига таъсир кўрсатмоқда.

Бироқ ҳали ечимини топмаган талай муаммолар бор. Бу 750 мингга яқин ўсмир истиқомат қилаётган Тошкент шаҳри учун ҳам тегишли. Бугунги анжуманни ўтказишдан кўзланган асосий мақсад ана шундай муаммоларни ҳал этишда аниқ йўналишларни белгилаб олишдан иборатдир.

Кун тартибидаги мавзу юзаси-

дан сўзга чиққан UNISEFнинг Ўзбекистондаги ваколатхонаси раҳбари Ризо Ҳусайини ўз маърузасида Ўзбекистонда вояга етмаганлар қаровсизлиги ва ҳуқуқбузарлигининг олдини олиш борасида қилинаётган ишларни ижобий баҳолаб, мамлакатда ўсмирлар жиноятчилиги минтақа давлатлари ичда энг паст кўрсаткичда эканига эътиборни қаратди. Шунингдек, маърузачи қаровсиз қолган болаларни имкон қадар оила муҳитида тарбиялашга эътибор бериш зарурлигини айтиб ўтди.

Халқ таълими вазири Т. Жўраев, парламент қўмитаси раиси Азамат Зиё, «Маҳалла» жамғармаси раиси А. Гадоийбоев, Республика Бosh прокуратураси бўлим бошлиғи Т. Умаров, «Камолот» ЕИҲ марказий кенгаши раиси Б. Убайдуллаев ва бошқаларнинг маърузаларида ҳам болалар назоратсизлиги ҳамда ҳуқуқбузарлигининг олдини олиш муаммолари муҳокима этилиб, мазкур йўналишдаги қонунчилигини янада такомиллаштириш, илгор хорж тажрибаларини ўрганиш бугунги кун талаби эканлиги таъкидланди.

Конференция сўнида билдирилган таклифлар асосида амалий қўлланма тайёрланиб, тегишли давлат ва жамоат ташкилотларига етказишга келишиб олинди.

Шавкат ЁДГОРОВ,
«Нцқу» муҳбири

